

0147706-1

М.Н. ЛЕБЕДЕВ




СТИХЪЯС



0147706-1

М.Н. ЛЕБЕДЕВ

СТИХЪЯС



Обязательный
контрольный экземпляр

СЫКТЫВКАР
КОМИ ГОСИЗДАТ



М. Н. ЛЕБЕДЕВ

С Т И Х И

на коми языке

ДЛЯ ДЕТЕЙ СРЕДНЕГО
ВОЗРАСТА

Редактор Р. Мальцева

Техн. редактор М. Шестаков.
Рисунки, титул, обложка и фор-
зац худ. М. Безносова. Ц. 2951.
Издание № 79. Формат бумаги
70 × 86,1/16. Печ. листов 3,25.
Учетно-авторских листов 2,5.
Тираж 2000 экз. Сдано в произв.
29.VIII-40 г. Подписано к пе-
чати 30.IX-40 г.

Типография НКМР Коми АССР,
г. Сыктывкар, Дом печати.



Мед дзирдалас шонді

Мед дзирдалас шонді!

Мед югъялас луныс!

Мед дзоридзён тырас

Да нюмъялас му!

Мед шонділань быдён

Пыр восьлалас-мунас!

Мед шондіа туйсö

Оз вевттыв сьöd ру!

Ми, сöветскöй войтыр,

Зэв кыпыда олам.

Ми жугыля некор

Ог öшöдлöй ныр.

Кöть кытчö ми мунам,

Кöть Москваö волам,

Збой котырөн повтöг

Ми ветлöдлам пыр.

Ас муын, ас гортын

Ми шудаöсь ставным.

Лёк гöльлунлысь важён

Ми косялім вез.

Выль олём ми тэчам,

Кыз велӧдӧ Сталин,
Кыз вӧчас ас кадын
Став муыввса йӧз.

Ми уджалам зӱля
Да удж вылын сьылам.
Кор долыда овсьӧ,
Сэк кызди он сьыв!
Быд карын, быд сиктын,
Быд пельӧсын кылӧ
Том войтырлӧн ворсӧм
Да збой сьыланкыв.

Ас удж помысь олысь
Кӧть тани, кӧть кӧни,
Мед уджалысь мортлы
Бур вок да бур чой.
Ми ӧтувйӧн петам
Лӧк враг вылӧ сӧни,
Кӧн врагыскӧд пансяс
Виркисьтана бой.

Мед дзирдалас шондӱ!
Мед югъялас луныс!
Мед дзоридзӧн тырас
Да нюмъялас му!
Мед шондӱлань быдӧн
Пыр восьлалас-мунас!
Мед шондӱа туйсӧ
Оз вевттыв сьӧд ру!





Колхознӧй сиктын

Сиктысь сиктӧ ветлігӧн
Аддзан, кызди быдлаын
Лӧсьыда да гажаа
Олӧ сиктса морт.
Олӧ сійӧ сэтшӧма,
Кызди сійӧс велӧдіс,
Кызди тшӧктіс овнысӧ
Дона Сталин ёрт.

Юр весьтаным дзирдалӧ
Енэж вывсянь шондіыс,
Шонді улас му вылын
Дзоридзалан сад.
Сиктса мортлӧн сьӧлӧмыс
Долыдлунӧн тырӧма.
Сиктса мортлы воӧма
Нимкодясян кад.

Петалан кӧ му вылӧ,
Оз нин синмад шыбитчы
Омӧлик лёк вӧв вылын

Гӧрысь да пугӧр.
Трактор сәні муркӧдчӧ,
Багатыр моз уджалӧ,
Важся ӧткаолысь моз
Му вылас оз дзӧр.

Кытшовтан кӧ видзьяссӧ
Гожся страдна лунъясӧ,
Ружтан шыа пессьӧмсӧ
Он нин сәтысь кыв.
Машинаӧн ытшкӧны,
Машинаӧн куртӧны,
Кыпыд лолӧн сьылӧны
Гажа сьыланкыв.

Уджыс эз ло сьӧкыдӧн,
Уджыс эз ло мустӧмӧн.
Ӧтув уджсӧ уджавны
Позьӧ ворсігмоз.
Мездіс сиктса войтырӧс
Нәмӧвӧйся гӧльлунысь,
Вайис няньсӧ, эмбурсӧ
Сталинскӧй колхоз.

Сикт кузяыс мунан кӧ,
Аддзан, кызди сиктыслысь
Сӧветса культураыс
Вежис чужӧмбан:
Быдлаын выль школаяс,
Детдомъяс, больничаяс,
Клубъяс да магазинъяс—
Быдтор аддзан тан.

Котӧртӧны школаӧ
Сиктса йӧзлӧн челядьныс,
Сералӧны, дзольгӧны,
Нимкодясигтыр.
Ичӧтысянь югыдлань

Туйсö налы вoсьтöма.
Некод оз ло на пиысь
Важмоз пемыд мыр.

Кыпыд уджөн, зильöмөн
Вöльнöй сöвет му вылын
Ассыс шудсö ёнмöдö
Быд колхозник ёрт.
Дзормöм пöльяс, пöчöяс
Шензьöны да шуöны:
„Онi весиг томмöдчас
Ми кодь пöрысь морт!“





Коми му

Коми му кузя ме муна.
Гөгөр сулалё съод вөр.
Вёрыс вывті-вывті уна,
Сыысь унаыс оз тёр.

Аддза: сэні шыльыд пожом
Вылө лэптө ассьыс юр.
Сылы откодь төв коть гожом.
Сэтшөм пуыс тайё бур.

Сэні быттё пёрысь пөчө
Дзормөм кыпөдчөма коз.
Сійё увъяс костын вөчө
Вёрса пөтка шоныд поз.

Сэні вашкөдчөны гора
Пипу чойкөд еджыд кыз,
Мыйкө сёрнитөны нора,
Корнас шенасьöны сідз.

Сэні суспу гөгрөс бока,
Сэні пельысь, сэні льём.



Тані бадьяс вöсни бока
Вадор пöлөн уна эм.

Вöрыс помтöм. Туйыс кöни?
Зонмö, яг пиад эн вош.
Аддза тані, аддза сэні
Ыджыд тапикасьö ош.

Ветлö кöин, пиньсö йирö,
Корсьö аслыс кынöмпöt.
Наян ручыс гуö пырö,
Бурөн некодлы оз шед.

Кöчыс дзедьсö лөпгьяс сайö,
Видзö ассьыс дона юр.
Öдийö-өдийö пуö кайö
Паськыд бöжа ичöt ур.

Дозмөр пувсö зiля сөйö,
Гөгөр жуö сьöла, тар.
Тури кокнас нюрсö лойö;
Абу муса сылы ар.

Аддза: пищальöн, со, муно
Сьöла кыйны коми морт,
Гортса олөм сылөн вунö,
Ылö кольöма нин горт.

Туйтөг öтнас ветлö сийö,
Вöрын нинöмысь оз пов.
Уна вöрса пötка кыйö,
Уна зверлысь босьтö лов...

Муна водзö, муна ылö,
Оз и помась пемыд вөр.
Кöнкö гора сёрни кылö,
Бриньгö пила, клёнгö чер.

Аддза: сортовка кер лэдзö

Том и пöрысь коми йöз,
Мича шпалсö зiля вöчö,
Тэчö юяс дорö пес.

Вöла войтыр сэни жуö,
Трактор муркöдчö лунтыр:
Кыксё керйöн öтпыр нуö,
Гора шыöн ветлигтыр.

Оз кыв сэни видчöм, мургöм,
Лёкысь горöдлöм оз кыв,
Сöмын уджалысьлөн юргö
Кыпыд, гажа сыланкыв...

Паськыд туй вылö ме пета,
Аддза: вежсис туйлөн сер,
Кöть и важмоз шувгö сэтöн
Кыкнан бокас пемыд вөр!

Бөр и водз пыр ветлö сэни
Уна сё автомобиль,
Вөлөн мунысьясöс венö,
Быд лун локтö выльысь-выль...

Муна водзö... Тулыс воö.
Лымйыс сылö, киссьö зэр.
Кöдзыд йисö шондi сёйö.
Ойдö уналатi вөр.

Ваын сулалöны пуяс.
Ваыс зеркала кодь лöнь.
Эжва, Сыктив, коми юяс,
Быттё паськыд эзысь вöнь.

Аддза: трактор мусö гөрö.
Коми войтыр кöдзö нянь.
Тувсов уджсö быдөн керö.
Жургöм тракторлөн оз ланьт.

Тайӧ трактор—абу дивӧ,
Абу дивӧ—паськыд йӧр:
Йӧзыс олӧ коллективӧн,
Лӧк пу гӧрийӧн оз нин гӧр...

Бара водзӧ, водзӧ муна.
Гӧгӧр сулалӧ съӧд вӧр.
Вӧрыс вывті-вывті уна,
Сыысь унаыс оз тӧр.





Вогөгөрся олөм

I. тулыс

Заводитіс шонді
Төвлысь вежны лад,
Яра сотны пондіс.
Воис тувсов кад.
Көдзыд лунвой быри,
Сыліс еджыд лым,
Юыс ваон тыри,
Гымалө нин гым.

Надзөникөн киссьө
Муяс вылө зэр.
Сулалө да мыссьө
Зэрнас пемыд вөр.

Нимкодясьө сэтөн
Небыд коръя кыз.
Мича турун петө,
Вежөдөма видз.

Мөдлапөлын кылө
Утка, дзодзөг, юсь.

Колипкай нин сьылö,
Колипкай оз узь.

Зіля гөрö-көдзö
Муяссö колхоз.

Трактор вылö пöчö
Дзоргö шензигмоз.

Челядь котыр ворсö,
Котралö лунтыр.

Тувсов гажа горсö
Кылан сэні дыр.



2. ГОЖÖМ

Вылö шонді кайö,
Ёрö йöзлысь син.

Жарыс сьлөн вайö
Мулы ыджыд вын.

Быдмö, йывмö йöрын
Картупель да лук.

Няньыс зэрöм бöрын
Лэптысьöма сук.

Вöччöмаöсь пуяс,
Паськөм налөн веж.

Ляпкалөны юяс,
Содө лыа бөж.
Видзьяс вылын пуө
Уджыс лун и вой.
Ытшкысь, куртысь жуө.
Вына налөн сой.

Мича турун вөчө
Отувтчөм бур йөз,
Зорөдъясө тэчө—
Пөтас вөв да мөс.

Вөрын уна вотос:
Мырпом, пув да чөд.
Шонді найөс сотө,
Кисьмыштасны мед.

Няньыс быдмө, кайө,
Сьөктө сылөн юр.
Гожөм мортлы вайө
Унапөлөс бур.

3. АР

Шонді мыйкө дышмис,
Чинтис ассъыс өд,
Гожсямоз оз ышмы,
Ыджыд жар оз сет.

Рудов кымөр чукөр
Панлө ськөд вен.
Шонділөн гөрд югөр
Вошлывлө нин сэн.

Мукөддырйи зэрө,
Мукөддырйи—пуж;
Видзөдлан кө йөрө,
Градъясыд нин куш.

Колхозса бур войтыр
Идралө виль бянь.
Төждысян кө voidөр,



Олём лоас шань.

Рыныш дорын кылө
Гора вартан шы.
Лэптысьома вылө
Арся уджлөн гы.

Вартём бöрын позьö
Кыйны сьöла-ур,
Зверкөд пырны косьö,
Пищальыд кө бур.

Луныс көть и чинö,
Няйтыс көть оз быр,
Жугыльтчыныд нинём,
Йöртöдыд кө тыр.

4. ТÖВ

Югыд шондi тöдö:
Эштiс арся удж.
Зэв нин сёрөн петö,
Ветлö öти сутш.

Лэптысьö и лэччö,
Кусö пырысь-пыр,



Аски дыша чеччө,
Узьö вывтi дыр.
Луныс быри, воши.
Помтöм лои вой.
Локтiс еджыд тоша
Кöдзыд, би кодь збой.
Дорис юяс, шорьяс,
Вöчис йиа пос,
Чирсiс пулысь корьяс,
Лои гөгөр кос.

Потшöс пöлөн тола
Пукталö тöвныр.
Шоныд сиктса школа
Велöдчысьөн тыр.
Кöдзыдысь оз повзьи
Ыж ку пася морт.
Керкаын оз овсьы,
Дзескыд сылы горт.

Вөрö сийö муно
Лэдзны шпал да кер.
Төвся уджыс уна,
Сöмын зiля вөр.



Ванюк

Дзоля Ванюк эз на тӧдлы,
Кутшӧм велӧдчӧмыд эм.
Гортысь некытчӧ эз ветлы,
Чайтис овны тадзи нэм.

Ӧтчыл мамыс сылы шуӧ:
„Пасьтась, Ванюк, муса пи.
Тэнӧ школаӧ ме нуа,
Тшӧтш и мунам сэтчӧ ми“.

Ванюк бӧрддзис, Ванюк повзис.
Сийӧ вывти вӧлі рам.
„Со пӧ олӧм менам овсис!
Кытчӧ нуӧ менӧ мам?“

Нинӧм тэныд, Ванюк, бӧрдны.
Омӧлинӧ тэ он сюр.
Тэнӧ некытчӧ оз йӧртны,
Тэныд югдӧдасны юр.

Тэныд велӧдчӧмыс колӧ,
Кыдзи лэбачьяслы борд,
Коді школаясӧ волӧ,
Сійӧ овлӧ шуда морт.

Сэтшӧм мортыд оз нин тӧдлы
Пемыд олӧм, гажтӧм лун.
Ванюк, велӧдчыны ветлы,
Югыд туйӧд водзӧ мун!





Школаын

Талун, вокй, меным лои
Мунны школа õшинь увтї.
Кор ме школа весьтõ вои,
Восьса õшинь водзõ сувтї.
Уна челядь вõлї сәні—
Ставныс шаньõсь, шылъд юра.
Ачъд тõдан, найõ õнї
Овны велõдчõны бура.
Тõдан, вокй, тайõ школа
Пемыд йõзлы—югыд шондї!
Гажõн тыри менам лолõй,
Кор ме кывзыны сән пондї.
Гижõм вõлї налõн муно:
Быдõн кутõ киас перõ,
Быдõн гижõ мыйкõ уна,
Перõ кокныдика вõрõ...
Сәсся велõдысыс шуис:
„Тõдны школьникъяслы колõ,

Кытысь лои-чужи муыс,
Коді, көні, кызди олө!"

Кутіс висьтавлыны сійө...

Дыр ме сулалі да шензи.

Татшөм төлка морткөд, пиө,

Ми-вок, буракө, он венззы!

Сэн ме кылі, вокөй, кызди

Муыс шонді гөгөр ветлө.

Ентөг артмөма пө сідзи.

Енмөс ыдждөдлыны петлө!

Сэссия кылі, төдны понді:

Көні лымйыс во чөж усьө,

Көні би моз сотө шонді,

Битөг сёянторйыс пусьө.

Көні эмось ыджыд карьяс;

Көні мян моз оз овны;

Көні озырьяс да царьяс

Вирсө кисьтны оз на повны.

Унатор ме кылі, вокөй,

Унатор ме төда өні.

Эз и мудзлы эськө кокөй,

Көть ме рытөдз олі сэні!





Велөдчөй, челядь

Велөдчөй, челядь,
Югдөдөй юр.
Велөдчөм вайо
Тиянлы бур.

Понданныд төдны
Быдсяматор:
Шондыс, муыс
Лоома кор;

Гожөмын мыйла
Гымалө гым;
Ар бөрын кытысь
Локталө лым;

Көдзтөгыс кызди
Лэптысьо вөр;
Кысь сәни лоо
Пөтка да зверь;

Му вылын кутшөм
Дивөяс эм;

Мый вöсна йöзыс
Уджалö нэм.

Понданныд тöдны
Омöль и бур.
Велöдчöй, челядь,
Югдöдöй юр!





Мам и челядь

Коді челядь вёсна шогсьö,
Челядь гөгөр зіля ноксьö,
Видзö найöс вой и лун,
Ылö на дінысь оз мун?

Налөн муса мамыс!

Коді на вёсна и олö,
Найöс кывйөн дойдны полö
Сетö чöскыд сёянтор,
Аслыс водзöссö оз кор?

Налөн дона мамыс!

Челядь быдмöны кö бура,
Оз кö лоны пемыд юра,
Коді сэки медся рад,
Оз и адзыв гажтöм кад?

Налөн зарни мамыс!

Оз кö челядь шаня овны,
Лёксö вöчны оз кö повны,
Коді жугыльтчöма сэк,
Быттö арся лунö кök?

Налөн коньөр мамыс!



Ичӧт нывлӧн сьыланкыв

Мыйла нӧ оз кывссы
Ичӧт нывлӧн гӧлӧс?
Сьыланкывсӧ сійӧ
Тӧдӧ унапӧлӧс.

„Кывзӧй,—сійӧ шуис:—
Заводита сьывны!“

Ылӧ-ылӧ кутіс
Гӧлӧс сьлӧн кывны:

„Гажа садйысь локті,
Котӧрті ме ӧні.

Гӧрдӧдӧма, кисьмӧ
Чӧскыд ӧмидз сәні.

Ловзьӧдісны сійӧс
Зэр да югыд шонді.

Жугыльтчыны арӧдз
Сійӧ оз нин понды!..“

Ланьтіс, эз кут кывны
Гӧлӧс ичӧт нывлӧн.

Матыник и вӧлі
Помыс сьыланкывлӧн.



Сёртни

Көдзис пöльö сёртни,
Быдмис сёртни ыджыд,
Сэтшöм ыджыд сёртни,
Кутшöм эз на вöвлы.
Сёртни пöльö кыскö—
Кыскыны оз вермы!

Пöрысь пöчöс пöльö
Отсöг вылö корö.
Воис пöрысь пöчö
Отсöг вылö пöльлы.
Кыскöны нин кыкөн—
Сёртни оз и вөрззы!

Корис сэки пöчö
Нывлысь ичöt нывсö.
Тильсьöны зэв зiля
Ыджыд сёртни гөгөр.
Оз и вөрззы сёртни,
Куимлы оз сетчы!

Нывлөн ичöt нылыс
Корис сэки понсö.

Кутчысисны нэльён
Оти сёртни корйё.
Сёртни вылө налөн
Оз на судзчы выныс!

Понйыс сэки корис
Отсөг вылө каньсё.
Надзёникён локтіс
Шыльыд юра Машук.
Мырсёны нин витён—
Оз на кыпты сёртни!

Ветліс сэки каньыс
Рыныш дорё шырла.
Шыркөд сәні лои
Сёртни перйысь квайтён,
Шыркөд налөн выныс
Бура уна содіс.

Кутчысьёма пöльыс
Кутчысьёма пöчыс,
Кутчысьёма нылыс,
Кутчысьёма понйыс,
Кутчысьёма каньыс,
Кутчысьёма шырыс,
Кутчысисны квайтён—
Нетшыштисны сёртни!





Мойдём

Төвся войын өшинь сайын
Көдзыд войтөв жургө.
Мыйкө сьылө, мыйкө горзө,
Код вылө кө мургө.

Шоныд паччөр вылын челядь
Көдзыдысь оз повны.
Пёрысь пöчкөд, муса пöчкөд
Лөсьыд налы овны.

Пöчыс чуня кепысь кыö,
Ассьыс уджсö вöчö.
Эз на некор прöста пукав
Паччөр вылын пöчö.

Челядь видзөдöны, кыззи
Пöчлөн уджыс содö.
Öти шуö: „Кузь на войыс.
Огöй на ми водö“.

Мöдыс шуö: „Кепысь кыан,
Муса бабöй, пукты.
Сэсся шойччигмозыд мойдышт,
Уджавнысö дугды“.

„Мойдышт, мойдышт, муса бабöй!—

Коймөд-нөльөд горзө.—
Зіля кывзыны ми кутам
Тэнсьыд мойданторсö“.
Пуктіс пöчө кепысь кыан.
Мый пö накөд керны?
Челядь виччысьöны мойдөм,
Ку пытшкө оз тöрны.


„Мойда, мойда,—пöчө шуö:—
Пукалöй да кывзöй:
Ичöt Сашö, ичöt Машö,
Ланьтöй, энö чивзöй!“


Паччөр вылын челядь ланьтіс.
Пöчлөн гөлөс кылö.
Мойдö сійö, кызди вöрын
Ручыс олö-вылö.

Кызди ошкөд мужик-мортыс
Öтүв сёртни кöдзис...
Кызди көнкө зарни чери
Ыджыд дивö вöчис...

Пöчлөн уна мойданкывйыс.
Помыс налөн ылын.
Лөсьыд челядьыслы овны
Шоныд паччөр вылын.

Öшинь сайын кöдзыд войтöv
Ёнджыка на жургö.
Пырны керкаö оз вермы,
Сы вöсна и мургö.





Медся ичӧт зверь

„Сьӧкыд менам олӧм,—
Шуис ӧтчыд кӧч.—
Некод меным бурсӧ
Коньӧрлы оз вӧч.


Ручыс менӧ сӧйӧ,
Кыйӧ менӧ морт.
Ог ме весиг тӧдлы
Ассьым шоныд горт.

Вӧръясын ме, коньӧр,
Медся ичӧт зверь.
Меысь, позьӧ шуны,
Ичӧтыс оз тӧр.

Татшӧм сьӧкыд олӧм
Абу выя нянь.
Муна ваӧ пыра,
Мучитчыныд шань!“

Синва кӧчлӧн киссьӧ,
Мӧвпыс абу бур.

Мунö сійö ваö
Суйны ассъис юр.
Кыркöтш дорас сэки
Пукалöма шыр.
Повзис сійö кöчысь,
Пышйис пырысь-пыр.
Шырлысь пышйöм адзис
Кöчлөн гöгрöс син,
Долыд лои кöчлы,
Соді сылөн вын.
„Эм на тай, со,—шүө,—
Меысь ичöt зверь.
Позьö на мем овны,
Бергöдча ме бөр!“
Косьмис кöчлөн синва.
Ваö кöч оз пыр:
Медся ичöt зверыд
Вөлöма тай шыр!





Вöрын гуляйтöм

(Челядь олöмысь)

Дзирдалö шондi,
Нюмъялö йөр.
Мелiа шувгö
Сикт гөгөр вөр.

Коз пу да пожöм,
Ныв пу да кыз
Гож улас муртса
Вөрöны сiдз.

Вашкөдчö накөд
Небыдик төв,
Бытьтөкө некор
Скөрөн эз вөв.

Кымöрсö сийö
Талун оз вай.
Быдлаын кылö
Збой колипкай.

Гожся лун гажа,
Гожся лун бур.



Кыз татшом лунö
Вөрö он тюр?

Эм сәни чөтлач,
Эм сәни чөд.
Вотөслысь көрсө
Коді оз төд?

Мөдिसны вөрö
Гуляйтiгмоз
Посныдик челядь
Дзонь куим гоз:

Сашук да Машук,
Натук да Гриш,
Витөдыс Васюк,
Квайтөдыс Миш.

Быдөнлөн киас
Кутшөмкө доз:
„Мыйкө тон сюрас,
Оз кө и оз!“

Пырисны вөрö.
Некод оз пов.
Төдөны, ошкыс
Матын оз ов.

Көиныс абу.
Тiрзыныд мый.
Абутөм зверыд
Найөс оз кый.

Мунөны водзö
Больөдчигтыр.
Вотөссө корсыны
Эз ковмы дыр.

Тыдовтчис чөтлач,
Тшөтш сывкөд чөд.
Мый колө, дозъяд
Сийөс и лөд.

„Аддзим тай, майбыр,—
Горөдiс Вась.—
Огö ми тыртöг
Бергöдчöй тась!“

Шыасис Машук:
„Вотчамöй вай.
Чöтлачыд бура
Кисьмöма тай“.

„Сёйышта войдөр,—
Висьталiс Гриш.—
Бөртиджык вота,
Оз кö ло дыш“.

Серамыд, гажыд
Челядьлөн сэн.
Нинöмөн тайö
Гажсö он вен.

Босьтсисны вотны,
Зильмисны пыр,
Сук чöтлач корйö
Сатшкисны ныр.

Ошкöны гора:
„Чöскыд тай зэв!“
Тольгöны ставныс,
Оз овны чöv,

Неылö бокö
Кежыштiс Миш,
Чöд вылö ыштiс,
Копыртiс мыш.

Мый ськөд лоис,
Ачыс оз тöд:
Пу сайысь кодкö
Мыччысьлис сьöd.

„Ош танi вөрö...“

Ой-ой-ой-ой!“
Котравныд Миша
Зэв вӧлі збой.

Чеччыштіс чирк моз,
Шыбитчис бӧр,
Бытьӧкӧ сійӧс
Швачкӧбтіс ньӧр.

Сувтыштіс, шуис:
„Сьӧд сымӧн гӧн“.
Шызисны челядь:
„Кӧн, Миша, кӧн?“

Тіралӧ Миша:
Чужӧмыс лӧз.
Сы шӧрӧ петіс
Коз сайысь мӧс.

Бокъясыс сьӧдӧсь,
Морӧсыс дзор.
Буракӧ, корсис
Сэсь сёянтор.

Челядьӧс аддзис,
Бакӧстіс: „Мму!“
Люкыштіс юрнас
Пӧрӧдӧм пу.

Бергӧдчис, муніс,
Петкӧдліс бӧж.
Челядьлы серам,
Челядьлы теш.

„Со кутшӧм ошкыд—
Мӧс кодъ тай дзик!
Видзӧд жӧ, сюрис
Ошкылӧн кык!“

Мишалы яндзим,
Муртса оз бӧрд.

Мӱс водзын повзьӱм
Лӱсьыдтӱм, дерт.

Дорйыштӱс Натук
Мишаӱс сӱк:
„Ылавны вӱрад
Абу и грек.

Весьшӱрӱ эльтад
Коньӱрӱс тӱ.
Сы мозыд асьным
Повзьывлам ми“.

Челядьлӱн дугдӱс
Жервидзны пинь.
Гусьӱник сӱмын
Кодсюрӱ—шпынь!

Вотчӱны бара.
Вунӱма ош.
Гуляйтан кадыс
Прӱста оз вош.

Сашуклӱн дозъяс
Вӱчӱма пас:
„Татчӱдз кӱ тырта,
Артмас и ляз“.

Шуасьӱ Машук:
„Чӱскыда зӱв
Панялам рытнас
Чӱтлача йӱв“.

Натуклӱн мӱвпыс:
„Ог ачым сӱй.
Виччысьӱ менӱ
Дзоляник чой.“

Дӱжналӱ Васьӱ:
„Чӱдйыд тан эм.
Мамӱлы колӱ

Нуыштны мем“.

 Өктысьö Миша,
Оз лэптыв юр.
Абутöм ошнас
Оз сэссия дур.

 Гришалөн сöмын
Дозъяс оз сод.
Горзöны челядь:
„Мыйла он вот?“

 Гриш вочавидзö:
„Вота кöть ог,
Кутшöм нö сэтчöдз
Тіянлы мог?“

 Мый сэссия керан,
Мортыд кö дыш.
Он ськөд лэпты
Та вöсна тыш.

 Дзирдалö шонді,
Вашкөдчö вөр.
Пёртмасьö сылөн
Веж рöма сер.

 Шондінад вöрыс—
Бытьöкө сад.
Быдөнлы муса
Шондіа кад.

 Дыр на эз мунны
Вотчысьяс сэсь.
Унакодь налөн
Киссьыштіс пöсь.

 Рытладор сöмын
Мөдісны бөр.
Паныд сэк сюри
Челядьлы зверь.

 Зверь тайö вöлі

Дзоляник кӧч.
Гриш сійӧс кутіс,
Кисыс оз лэдз.

„Бусколы нуа,—
Шуӧ:—да мед
Та помысь лоас
Кынӧмыс пӧт“.

Повзьӧма кӧчук,
Сувтӧма син,
Дзӧрӧны пельяс,
Сьӧлӧмыс кын.

Вӧлӧма сійӧ—
Выль чужан лов:
Тӧлысьысь дырджык,
Дерт, эз на ов.

Тольгӧны челядь:
„Ак, кутшӧм рам!
Эм кӧнкӧ сылӧн,
Коньӧрлӧн, мам.

Вежӧрттӧм дзик на,
Видзӧдлы со:
Пышйыныд весиг
Эз гӧгӧрво.

Вывті тай, Гриша,
Лоин тэ ёсь.
Кӧчпиӧс сетны
Понлы оз позь.

Весьшӧрӧ вины
Кагатӧ мый.
Кор сійӧ быдмас,
Сэки и кый!“

Ертъяскӧд Гриша
Венӧ эз пыр.
Кӧчпиӧс лэдзис

Шуалігтыр:

„Котөрт, кузь пелюк,
Мам дінад тюр,
Сөмын кор быдман,
Сэки эн сюр“.

Коз улө колис
Ичөтик коч.
Дзолюклы некод
Лёксө эз вөч.

Сиисны челядь
Көчлы бур шуд,
Мед пө и ручыс
Сійөс оз кут.


Воисны гортө
Торгөмыд сэн:
Коді кыз ветліс,
Гуляйтис көн.

Кутшөма налөн
Кыптивліс өд.
Кызвыныс вайис
Чөтлач да чөд.

Сюрыштіс сэтысь
Гортсалы пай.
Сөмын дыш Гриша
Нинөм эз вай.

1926





Узьысь Вань

Паччөр вылын чеччывтөг
Куйлө узьысь Вань.

Уджъяс сылөн эштöма,
Ставыс сылөн шань.

Муяс абу кöдзöма,
Вундыны оз ков.

„Ме пö тшыглы кулöмысь
Ог на ёна пов!“

Ытшкыны эз петавлы,
Турунсö эз курт.

„Ме пö, зонмö, висьöдча,
Видз вылын ог бурд!“

Ягын пес эз керавлы,
Сьöла-ур эз кый.

„Чер пö менам ныжмöма,
Пищальöй оз лый!“

Узьöмысь оз палявлы,
Узьö вой и лун,

Куйлө паччөр сэрöгын,
Удж вылö оз мун.

Көлуй ставсө разөдіс,
Керка лои куш.

„Нинөм пө мем төждысьны,
Пөтас өти душ!“

Гожөм бөрын төв кезлө
Сөянтор эз коль.

Джоджын сөмын туплясьө
Сөртни куим-нөль.

Нинөм абу вузавны,
Сөйны абу нянь.

Кыкнан кинас гыжъялө
Юрсө узьысь Вань.

„Мыйнө тайө лоөма?
Унмөй оз нин лок.

Синмөй кутіс паськавны,
Көдзалөма бок.

Кынөм мыйкө рекмөма,
Личалөма вөнь,

Менам тыртөм керкаын
Вывті лои лөнь.

Весиг эг кут адзывны
Важмоз мича вөт.

Часлы, сиктө петала
Корсьны кынөмпөт.

Керка сизим кытшовта,
Няньыс лоас дась!“

Көсьяс пасьсө пасьтавны—
Вузалөма пась.

Көсьяс көмкот көмавны—
Вузалөма көм.

„Аттө сьөкыд олөмөй,
Мыйон петны мем?“

Пукалыштіс, шензьыштіс
Коньөр узьысь Вань.

Сэсся көмтөг, пасьтасьтөг
Петіс корсьны нянь.

Сійо рытõ ывлаын
Кõдзыд вõли зэв.
Туйсõ лымйõн тыртõма
Пидзõсõдзыс тõв.

Ваньõ аслас керкасянь
Ылõ эз и мун.
Шудтõм лои Ваньõлы
Тайõ тõвся лун.

Дасысь сийõ воськовтис.
Водзõ мунны дыш.
„Часлы,— шуõ,— шойччышта,
Мыйкõ висьõ мыш!“

Тола пиõ шойччыны
Пуксис узьысь Вань.
Пукалiгас кынмõма—
Эз и ковмы нянь.





Педьö да Рöдьö

Кык морт,
Кык ёрт:
Колхозник Педьö
Да öткаолысь Рöдьö

Тшöтш пуктисны доддьö пила-чер
Да мөдöдчисны вөрö лэдзны кер.
Бригадаö сэн пырисны кыкнаныс
Дай тöдмалисны, кутшöм налөн мог
Да ыджыд-ö вөрлэдзан уджлөн планыс
Да баракъясад гажа али шог.

Мöд луннас Педьö кутис шуны:
„Тан, Рöдьö ёрт,
Дзик быттьö горт,
Шыд-роктö оз ков весиг пуны,
Чай, сахар, табак—ставыс дась.
Кöть нэм эн петав эськö тась!

Дай оланіныд тані кыпид, шоныд.
Гöрд пельöсад вель уна книга эм.
Сэн лыддьысям кö тэкöд, вермас лоны,
Мый миян югдыштас юрвем.
Став вынсьыс мырсьö Педьö,

Дас кубометрөн муркөдө быд лун.
А өткаолысь Рөдьö
Оз Педьö туйöд мун.
Быд асыв сийö сёрмөдчөмөн чеччö
Да юö чай да нюжмасьö час-мөд.
Оз жалит кадсö видзны сэтчö,
Кызь витысь курутчытöг удж вылö оз пет.
„Мем,— шуö,— тэрмасьнысö нинöм.
Мем зептö некод зарнисö оз кисьт.
Дай ёнасö ме тільсьыныд ог лысьт:
Пыр мыйкö висьö кынöм
Дай юкалыштö кок,
Кор поводдяыс лёк“.
Эз вермыв сийö вöчны öти луно
Кык кубометрысь уна,
Кöть збыльвылөсö вöли көрткодь ён.
Дай чужöмбаныс гөрдөдöма—дон.
„Тэ дышөдчан тай, Рөдьö,—
Сидз öтчид сийöс дивитыштіс Педьö.—
Оз шогмы вөрны лёльöяс моз тан.
Быть колö тыртны वोся план!“
„Ог аслым уджав!—Рөдьö шуис скöра.—
Мый меным пөслөдлыны сой.
Ме быдтор надзöникөн кера,
Мед сöмын коляс лун да вой!“
„Да кывзы, Рөдьö, дорам ми выль олөм...“
„Ог кывзы нинöмтор
Дай тэнсьыд, Педьö, индөдьяс ог кор!
Ме ачым тöда, овны кызди колö.
Тэ ме вылö эн во.
Сэсь тэныд бур оз ло!“
„Тэ кывзы, кывзы“,—Педьö кайтіс бара
Дай көсийс висьтавлыны ставсö гөгöрбок.
Но Рөдьö мөдысь крапкис яра:
„Ог кывзы тэнö, ог!
Тэ мукөд водзын небыд парнад чупкы,

Мем тэкѡд сѣрнитнысѡ дыш!
Тадз шуис, сѣсся пельсѡ ассыс тупкис
Дай вѡрсьыс регыд пышйис, быттьѡ шыш.
Мый таысь артмис поэѡ тѡдны.
Эз босьтлы Рѡдьѡ нянь ни сьѡм,
Эз лѡсьѡд аслыс пась ни кѡм,
Эз понды пышъялігас кынѡм сылѡн пѡтны,
Дзик лои быттьѡ бордтѡм чикышкай
Дай бурсѡ государственолы эз вай.
Кык норма вѡрын Педьѡ тыртіс
Дай босьтіс уна сьѡм да мукѡдтор.
Ударник пѡвсѡ ачыс асьсѡ пыртіс
Дай кѡсйѡ тадзи уджавны кѡть кор.
Кѡн Педьѡ сяма войтыр уна,
Выль олѡм сѣні ѣнмѡ лунысь лунѡ.
Кѡн Рѡдьѡ сяма йѡзыс эм,
Сѣн налысь колѡ югдѡдны юрвем,
Мед помасяс лѣк пемыдлунлѡн нѣм.





Лёк Ош, руд Көин да өтувтчөм мөсьяс

Төв чөж эз петав аслас гуысь,
Пыр шкоргис-узис пашкыр Ош.
Но садьмис мөсьяслөн вирьююсь,

Кор сийёс пондiс сотны тувсов гож.
„Кад воис пальёдчыны,—шуис сийё гора.—
Жуйвидзём помсьяд кынёмыд оз пёт

Дай ловъя яй оз шед.

Тан туплясьёмнад дзикөдз сэсса оран.
Мем лоас лудё котёртны дзикпыр.

Йёй мөснад лудыд көнкө тыр!“

Дерт, кытчө мунны Ошкыс бура төдiс
Дай веськыд туйёд ловъя яйла мөдiс.
Руд көин ськөд паныдасис сэк—


Зэв ачыс омоль, абу тшөг.

„Пось чолөм Ыджыд Ошлы!—

Бөр кокъяс вылас сувтiс вөрса шыш.—
Мед тэнад шуд оз бырлы ни оз вошлы
Дай мед оз векняв тэнад паськыд мыш!“

Шпыньмунi Ош да вочавидзис:

„Мед тэнö асьтö, дзоля вок,
 Оз сулы шог
 Дай мед оз мудзлы тэнад кок!
 Мед котралан тэ лöсьыдика сідзи!
 А öнi висьтав, зонмö, мем,
 Көн эськö ловъя яйыд эм?“
 Ышловзис морöс тырнас Кöин:
 „Ок, уна эськö ветлö ловъя яй,
 Но тайö яйнад дзик ме грекö вöйи,
 Дай эз и вичмыв сэтысь меным пай“.
 „Тэ, сідзкö, нуртö перйыны эн вермы?
 Тадз, Кöин, абу шань“.
 „Ме, Ыджыд Ошкöй, эг на эськö йöрмы,
 Да кокорнитіс менö сямтöм чань.
 Тэ тöдан менсьым оланногсö:
 Ме лөкөн некодлысь ог вөрзьöд öти гөн.
 Ме чаньтö бурөн кöйи сёйны сэн,
 Да сійö мелянь бергöдіс бөр коксö
 Дай бриньöбтіс мем плешö, быттö гым,
 Сэк менам весиг вунліс аслам ним!“
 Кыз юра Ошлөн петіс серам:
 „Тэ, Кöин, кыйсьыныд он куж.
 Вай мекöд тайö уджсö керам
 Да мөсьясыдлы петкöдлыштам пуж!“
 Руд Кöин лэптіс веськыд лапа:
 „Дерт, тэкöд меным сюрас чöскыд яй.
 Да войдөр со мый кывзы, Ыджыд Ай,
 Став мөскыс мыйкö ветлөдлөны тшапа,
 Код рама овліс, öнi эз ло рам.
 Ме чайта, налөн вежсьö олан сям.
 Ме сэсся кывлі кыпöдчöны кöчьяс,
 А таръяс бырöдöны лэчьяс.
 Тшöтш накөд вöля босьтны кöйиö руч,
 Да выныс оз на судз“
 Ёсь синмыс Ошлөн скөрлун биөн öзйис:
 „Мый меным руч да кöч да тар!



Ме на вылө и несйыны ог кӧсйы—

Ме мӧсъяс вылын царь!“

Руд Кӧин водзӧ нинӧм эз лысьт шуны

Да мӧдӧс Ошкӧд кыйны ловъя яй.

Дерт, колӧ вӧлі сылы сӧйны-юны

Да корсьны асяыс пай.

Яй кыяніныс эз вӧв ёна ылын

Бадь кустъяс сайын воссис паськыд луд.

Сэн мӧскыс уна — кодӧс колӧ кут

Да кодӧс колӧ джагӧд ӧбӧд вылӧ.

Кӧть сӧсся дзоля куканьяссӧ куль.

Кык друглӧн колӧмысла вомсьыс петӧ дуль.

„Со тайӧ Гӧрдуксӧ ме бӧръя

Да ловсӧ сылысь перъя!“ —

Зэв яра равӧстігтыр востӧс паськыд горш

Да мӧсъяс вылӧ зырӧдӧс лӧк Ош.

Мӧс кучик кӧсйис сійӧ лӧдзны

Да ӧбӧд вӧчны,

Но кыйсьӧм сылӧн дзугсис, эз ло бур.

Мӧс комын кымын пондӧсны сэн жӧдзны

Да ошлань бергӧдӧсны сюр.

„Ми воча сувтам! Нинӧм сыысь повны!—

Медвойдӧр пузис Гӧрдукыслӧн чой.

Ми ӧні ӧтув кужам овны!

Тэ важмоз миянӧс он сӧй!“

„Ми ог сетчӧй!—бакӧстӧсны лӧкысь

Луд пасьтала став том и пӧрысь мӧс.—

Дыр нартитчис нин тайӧ вӧрса бес,

Дыр сы вӧсна ми эгӧ мынлӧй шогысь.

Да ӧні абу колян во:

Тан кучик кульӧмъяс оз ло!“

Быд мӧслӧн кутӧс бикинь кисьтны синмыс,

Быд мӧслӧн скӧрмӧмысла лӧптысьӧма гӧн.


Вель уна чужйӧм сӧйысьяслы инмис,

Вель уна сутшкӧм сюрис налы сэн.

Руд Кӧин сы бӧрын эз паськӧдлы нин вомсӧ,

Эз корсьлы кынӧмпӧт;
Мӧс кокъяс улын аддзис аслыс помсӧ,
Сэсь ловъяӧн эз пет.
Кыз юра Ошлы розьӧдісны боксӧ
Да перйисны ёсь сюрӧн веськыд син.
Кӧть ыджыд вӧлі сылӧн вын,
Но лои сылы вунӧдны став лёксӧ
Да пемыд вӧрӧ уськӧдчыны бӧр.
Кӧн ӧтув олӧм, нинӧм сэн он кер.

1934



ЮРИНДАЛЫСЬ

Мед дзирдалас шонді	3
Колхозной сиктын	5
Коми му	8
Вогѳѳрся олѳм	13
Ванюк	18
Школаын	20
Велѳдчѳй, челядь	22
Мам и челядь	24
Ичѳт нывлѳн сьыланкыв	25
Сѳртня	26
Мойдѳм	28
Медся ичѳт зверь	30
Вѳрын гуляйтѳм	32
Узысь Вань	41
Педьѳ да Рѳдьѳ	44
Лѳк Ош, руд Кѳвин да ѳтувтчѳм мѳсьяс	47





1325

Домы 4 ш. 50 ст